

Aktuellis aus unnerm Voreinslabn:

Harzlich willkomme, mir begrießen neie Voreinsmitglieder:

Regine Bauer + Matthias Bauer

Jörg Horbach + Daniela Thieme

*Mit de Witschers auf nooch Wildnthol
in de Hammerschenk un aa wieder eham!*

Mir fahrn wie immer vun NORMA-Parkplatz ab.

Treffpunkt: 16.00 Uhr

*Dor Reih nooch in de richtschn Wogn eisteign - un ab giehts
ieber de Soser Stroß, am Rektorbrickl vorbei bis Wildnthol.*

*Dort werds e schiens ausgedehnts Obndbrut gabn,
dor Vorein leecht noch e paar Eurone for eich drauf!*

For unnerwags muss jeder selber was ze trinken mitnamme.

**Die Kassierung (Rest für die Fahrt 10 €
und das Abendessen 15 €)
erfolgt auf den Wagen.**



FAHRDIENST

*Wer am 03.08.2023 zum NORMA-Parkplatz und auch wieder nach
Hause gefahren werden will, der möchte bitte rechtzeitig anrufen:*

Johannes Wüst

Tel.: 3807



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 8705 4000 3892 2072 58
BIC: WELADED1STB

Unner Blatt I



Nummer
221

Mitteilungsblatt des
Erzgebirgischen Heimatvereines
Eibenstock e.V.

August
2023



Sommer, Sonn ubn Auerschbarg

De Platzvortaaing bei de Pfaarle

Wagen 1

Richter, Lothar
Barth, Andrea
Barth, Matthias
Schmidt, Günter
Schmidt, Uta
Taube, Fred
Taube, Viola
Einsiedel, Ann.
Horbach, Jörg
Zinner, Burkhard
Limpert, Ramona
Limpert, Ulli

Wagen 2

Tittel, Rainer
Tittel, Brigitte
Tuchscherer, Petra
Bauer Regine
Bauer Matthias
Wüst, Ute
Wüst, Johannes
Haese, Ute
Bohnstein, Gabi
Hahn, Anja
Höwler, Gabi
Weiß, Frank
Häupel, Inge

Wagen 3

Wiech, Bärbel
Wich, Ronny
Viehweg, Marion
+ Kind
Maixner, Thomas
Maixner, Ulrike
Schürer, Matthias
+ Kind
Oelsner, Monika
+ Gast
Bauer, Karin
Siegl, Ilona
Siegl, Rainer
Heinz, Sabine
Jung, Lothar,
Oswald, Siegrid
Kittelmann, Kerstin
Hahn, Ursula

Wagen 4

Richter, Heinz
Brückner, Hubert
Irmich, Sigine
Irmich, Klaus
Brenner, Bianca
Müller, Adelheid
Heymann, Liesel.
Schmidt, Janina
+ Gast
Ullmann, Denise
Ullmann, Yves
Ullmann, Beate
Ullmann, Jürgen

Bitte eihalt'n, des
net wer was wos
for e Wuuling
entstiehe kaa!
Mir fahrn aa
wenns regne
söllt -bestellt is
bestellt -
un of de Wägn
is ja trockn!



Wir gratulieren unseren Heimatfreunden

Heinz Jacob	am 02.08.	zum 89. Geburtstag
Karin Bauer	am 02.08.	zum 67. Geburtstag
Undine Göbler	am 02.08.	zum 65. Geburtstag
Gisela Strobel	am 04.08.	zum 72. Geburtstag
Ina Valdorf	am 05.08.	zum 59. Geburtstag
Sigine Irmich	am 08.08.	zum 82. Geburtstag
Eveline Büttner	am 11.08.	zum 73. Geburtstag
Anja Hahn	am 14.08.	zum 47. Geburtstag
Ramona Limpert	am 21.08.	zum 66. Geburtstag
Eva Gebauer	am 22.08.	zum 85. Geburtstag
Burkhardt Zinner	am 23.08.	zum 73. Geburtstag
Sabine Zinner	am 26.08.	zum 68. Geburtstag
Gabriele Bonstein	am 28.08.	zum 75. Geburtstag
Ulrike Maixner	am 29.08.	zum 66. Geburtstag
Jürgen Ullmann	am 30.08.	zum 71. Geburtstag
Christine Winter	am 30.08.	zum 78. Geburtstag



Wer einmal die Tiefen des Lebens kennengelernt hat,
weiß die Höhen um so mehr zu schätzen.

- unbekannt -

Mit de Pfarle unnerwags

Donnerstich, ne 03. August,
16.00 Uhr,
vun Norma-Parkplatz wag
(siehe auch Seite 2)



...un an Donnerstich,
ne 9. September
is fei is grüße
Postplatzfast, mir ham
aa in klenn Pavilljong!

Ja, is gob ja aa wieder viel ze dorzähl'n, an jedn Tisch wur'n sämtliche Neiichkaat'n vu unner'n Eimstock durchgekaut un hie un har interpretiert.

Ach ja, alle die, die noch net de 10 Euros Vorkost'n for de Kramserfahrt ieberwies'n hatt'n, konnt'n ihr Gald gelei an dies'n Obnd in bar lus warn un sei in de Mitfahrlist eige-trogn wur'n.

De Witschers wern vielleicht noch in 5. Wogn eispanne miss'n, weil – is sei fei schu ieber 50 Leit, die mitfahrn woll'n, un do kennt'n noch e paarle dorzuko-mme...!

Bis zen nächstn mol –

eier Schmidt



Unner Vorein ze Gast im betreiten Wuhne

Seit numeh schu iebem Gahr ham e Paarle vu uns ja bekanntlich des Bastln vu de Wurzel-Rudis übernomme. Zu den einstign Figurn sei itze natierlich aa e paar neie dorzukomme. De Wannere un Skifahrer bis hie zen Frielings-un Weihnachtsbotn sei bei de Besucher unnerer Bargstadt dorwagn sehr begehrt.

Unner'n Bastlern salber macht de Afertichung vu dane Heimatfigurn grüße Freid un gibt aa in Araaz for neie Ideen. Su wurd dor Wurzl-Rudi als Bergmaa entworfn un hargestellt, erscht emol als klaaner, aber is söll aa bal in gressern gabn.



Nu hat siechs dorgabn, des unner Sabine aus der Bastlgruppe wieder emol als Pflegekraft in betreiten Wuhne eigesprunge is, weils do immer ab un zu durch Urlaub oder Krankhaat an Personal mangelt.

Su dorgab siech ne neie Idee: Bastln mit de Heimbewuhner im betreitn Wuhne! Ja, do traff'n mir ja unner'e Miglieder: de Heymann-Lieselotte, de Georgi-Liane un als Gast is aa immer dohintn dorbei de Nötzold-Erika!

Dodorzu ham siech de Bastler jeweils aafache Basteleien ausgedacht, die richtig vürbereit un noocherts gemeinsam mit de Senjorn inner lustign un harzign Art un Weis durchgebastlt.

Gelei bein erscht'n Mol warn die allezam ugeheier agetaa vu den klenn Bastelein. Do ham se siech gewinscht, des is hoffntlich wieder emol sölich schiene Stundn an Noochmittich bei ihne gabn kennt. Un wos söll iech eich sogn?

Vor kurz'n hatt's schu de 2. Bastelei dortn gabn, zur Freid dor Bewuhner. Do hatt iech mr gedacht, de kennst eingtlich aa mol de Gitarr mitnamme. Frierer bei de Hutznobnde dorham in Stibl is ja aa immer gestrickt, gehaklt oder geklöppl't wur'n un do wurd immer dorbei gesunge. Gesaat – getaa: Allezam ham alle Liedle mitgesunge un esu hat dar Bastlnochmittich noch meh Freid gebracht. Nu woll'n mir des Ganze mindstns alle Viertlgahr wiederhul'n, is vorstieht siech v salberst, des do immer wieder neie Ideen vor klaane Dekoratsjone gefreecht sei - zur Fraad dor Heimbewuhner!

Des wollt iech eich heit emol sogn.

Bis zen nächstn Mol, Glückauf - eier Schmidt



Huch drum mit nern Dudlsack!



Allis schnattert lustich vor siech hie, alle ham schu mol e Getränk serviert kricht un in Schluck genumme - un do gieht plötzlich de Tür auf un su e Dudlsack kimmt rei un schmettert voller Inbrunst seine Melodien durch den Raum!

Ach ja – e Maa war aa dorbei in echt schottschn Aaziezeich, un dar muß do ordlich neiblosn, wos is Zeich hält! Kurz zevor hat uns unner Matthias aber vürgewarnt – mor sölltn de Ohrherer zerickschaltn, is kennt vielleicht eweng laut warn! Nu hob iech immer gedacht, aus su nern besonnern Sack käm när schottsche Musik raus – aber weit gefahlt: do gabs aa orginal arzgebirgsche Liedle ze hern. Des hat netierlich gelei animiert zen mitsinge!

Dann ham mir uns erscht emol dorklärn lessn, wie des Dudlding su funktschoniert. Unner Petra wollts genauer wissn un hat immer meh un meh gefreecht, wahrscheinlich will se siech su e Ding zulegn un salberst spieln?

Is schennste war noch – dar schottische Maa kimmt aus unnern Eimstock! Do ka mor mol sah, wos unner klaans Stadtl allis ze bieth hat! Als Zugob hat ar dann noch des bekanntste schottische Liedl gebracht: of gutn arzgebirgschn Deitsch: „Of Wiedersah, ihr Freinde mein“. Des war emol ewos ganz annersch for uns, su wos hattn mir in den ganzn dreißich Gahrn net!



Als siech allis wieder beruhicht hat un de Ohrn wieder ausgericht wurn sei, gobs gut gefüllte Grilltaller – e paar Dame vun Vorein sei do glei emol bein Serviern mit eigesprunge. Do warn immerhie sachzich

Taller ze schongliern! Un des, wos dar gute Grill-Maa draußn vor dor Tür gebrotn hat, for jedn ne Brotwurscht un e Steak, tat samt den Ardäpplsalat aus dor Auerschbarg - Kuch aafach ganz lecker schmeckn.



Schenn Dank an des klaane Tiem vu do ubn! Dor klaane lev hat ball dornooch mit sein Pap sei Bandoneon samt Nutnstander un Fußbank ausn Auto reigehult. Wu ar richtig schie in dor Mitt plaziert war, hat ar aa noch e paar schiene Liedle gespielt, wubei allezam mitsinge kuntn.

Unnere neie Bauers scheine siech bei uns ganz wohl ze fiehln!

